

# Ժողովուրդ

72  
(2922)

1 հունիսի շաբաթ 2024  
տպագրության ԺԳ տարի

Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՎԱՐԴԱՆՅԱՆԻ ԿԱՍԿԱԾԵԼԻ ՀԱՅՏԱՐԱՐԱԳԻՐԸ



ՀՀ Քաղաքաշինության կոմիտեի նախկին նախագահ Արմեն Ղուլարյանի սկանդալային ազատամիջ հետո Կառավարությունը դժվարությամբ, բայց կարճ ժամանակում նրան փոխարինող գտավ:

Քաղաքաշինության ոլորտում երկարամյա փորձ ունեցող Ղուլարյանին փոխարինեց Հայաստանի ճարտարապետության և շինարարության Հայաստանի ազգային համալսարանի ռեկտոր Եղիազար Վարդանյանը: Վարդանյանը այս պաշտոնին նշանակվել է 2020 թվականին:

Այսպիսով՝ ներկայացնենք, թե ինչ ունեցվածք է հայտարարագրել նորանշանակ քաղաքաշինության կոմիտեի նախագահը:

Եղիազար Վարդանյանը հայտարարագրել է միանձնյա սեփականությամբ 2 անշարժ գույք՝ անհատական բնակելի տուն և հողամաս:

Անհատական բնակելի տունը գտնվում է Երևանում և ձեռք է բերել 2012 թվականին, երբ ճարտարապետության և շինարարության Հայաստանի ազգային համալսարանի (ՃՀՅԱՀ) աշխատակազմի ղեկավարն էր, որտեղ նույն պաշտոնում աշխատել է 2006-2014 թվականներին: Իսկ հողամասը ձեռք է բերել 2011 թվականին. այն գտնվում է Կոտայքի մարզի քաղաք Շաղկաձորում:

Ստացվում է՝ Վարդանյանը ունեցվածքի զգալի մասը կուտակել է նշված համալսարանում աշխատակազմի ղեկավար եղած ժամանակ:

Եղիազար Վարդանյանը տրանսպորտային միջոց չի հայտարարագրել:

Հայտարարագրից հասկանում ենք, որ Կոմիտեի նախագահը «ՄերԱրմինիա» ՍՊԸ-ից, որ բնակարանների կառուցապատող է, ունի փոխառություն, սակայն այդ մասին, հայտարարագրից ստացված վարկերի և փոխառությունների մայր գումարի մնացորդի մասին, պաշտոնի ստանձնման կամ դադարեցման օրվա դրությամբ բաժնում ոչ մի հիշատակում չկա: Ստացվում է՝ Վարդանյանն ունի եւս մեկ անշարժ գույք, որն արժե 27 մլն 109 հազար դրամ, սակայն հայտարարագրում պատշաճ հիշատակում չկա:

Վարդանյանի կանխիկ դրամական միջոցները կազմել են 14 հազար 400 եվրո, 26 հազար 800 դոլար և 39 մլն 500 հազար դրամ գումար:

Հետաքրքիրն այն է, որ այս գումարների աղբյուրը եւս հիշատակված չէ:

Գումարի քանակը կասկած է առաջացնում, քանի որ հաշվետու ժամանակաշրջանի՝ 2023 թվականի եկամուտները կազմել են ընդամենը 6 մլն 112 հազար դրամ, որն էլ ստացել է համալսարանից, որտեղ աշխատել է գրեթե 17 տարի:

Սակայն նման համեստ պաշտոնում աշխատող անձը, դժվար թե նման գումարներ կարողանար կուտակել:


Ի շնորհիվ խմբակցության ներսում շատ հարցերում հակասությունները գնալով խորանում են: «Ժողովուրդ» օրաթերթի տեղեկություններով՝ մայիսի 28-ին Վեհափառի մուտքը Սարդարապատի հուշահամալիր խոչընդոտելը նոր կրքեր է բորբոքել իշխող ֆրակցիայի ներսում: Նրանցից շատերը թե՛ առանձին գրույցներում, թե՛ նիստերի ժամանակ իրենց դժգոհությունն են հայտնել ու հասկացրել են՝ Վեհափառի մուտքը խոչընդոտելն իսկապես անթույլատրելի էր ու, ըստ էության, քայլ էր Եկեղեցու դեմ: Չնայած ԹԳ «վերնախավի» արդարացումներին, թե՛ ոստիկաններն ընդամենը որոշ պարզաբանումներ ստանալու նպատակով են կանգնեցրել Վեհափառին, ԹԳ-ական պատգամավորների մեծ մասը ցույց է տվել, որ հաշտ չէ այդ միջադեպի հետ և դա համարում է քայլ՝ ընդդեմ Հայոց եկեղեցու: Սակայն, մեծ մասամբ նրանք այս մասին խոսում են մտերմիկ գրույցներում, իսկ հրապարակված 180 աստիճանով տարբեր բաներ են ասում:



Երեկ դատավոր Հարություն Մանուկյանը պետք է հրապարակեր ՀՀ նախկին ոստիկանապետ Լեւոն Երանոսյանի գործով վճիռը, սակայն այն հետաձգվել է և կիրառարկվի հունիսի 3-ին: Պարզվում է՝ այս վճիռը առաջ ԲԴԽ-ն, Բարձրագույն դատական խորհրդի աշխատակազմ Դատական դեպարտամենտի պատրաստած ֆիլմի հիման վրա, դատավոր Հարություն Մանուկյանի վերաբերյալ կարգապահական վարույթ էր հարուցել ու օրեր առաջ կարգապահական վարույթ կարճել է, ու չի բացառվում, որ վարույթի կարճմամբ իշխանությունները ակնկալում են նախկին պաշտոնյաների մասով իրենց համար ցանկալի որոշումներ ստանալ դատավորներից. ուստի չի բացառվում Լեւոն Երանոսյանի մասով խիստ ու ծանր որոշում լինի: Դատական համակարգում վստահ են՝ 8-9 տարվա ազատազրկումն անխուսափելի է: Հիշեցնենք, որ 2018 թվականի «հեղափոխության» օրերին Բաղրամյան պողոտայում լուսաձայնային նռնակ կիրառելու առիթով հարուցված քրեական գործով է նա մեղադրյալի պթոռին: Օրեր առաջ Երանոսյանն իր վերջին խոսքն ասաց դատարանում: Մեղադրող դատախազը պահանջել է 11 տարվա ազատազրկում: Դատավոր Հարություն Մանուկյանը գնաց խորհրդակցական սենյակ՝ որոշում կայացնելու: Հիշեցնենք, որ Հայաստանի նախկին փոխստիկանապետ, ոստիկանության գործերի նախկին հրամանատար Լեւոն Երանոսյանը մեղադրվում է հեղափոխության օրերին ոստիկանության կողմից հատուկ միջոցներ կիրառելու ժամանակ պաշտոնեական լիազորությունները չարաշահելու մեջ: Լեւոն Երանոսյանին մեղադրանք է առաջադրվել այն բանի համար, որ նա հատուկ միջոցների գործադրմամբ, դիտավորությամբ կատարել է այնպիսի գործողություններ, որոնք ակնհայտորեն դուրս են եկել իր լիազորությունների շրջանակից և էականորեն վնասել են քաղաքացիների իրավունքներն ու օրինական շահերը, ինչպես նաև անզգուշությամբ առաջացրել են ծանր հետետանքներ: Ոստիկանության գործերի նախկին հրամանատար, ոստիկանության գեներալ-լեյտենանտ Լեւոն Երանոսյանի փաստաթան Տիգրան Սաֆարյանը, վկայակոչելով Երանոսյանի ցուցմունքը, փոխանցել էր՝ հեղափոխության օրերին Երեանի թե՛ Բաղրամյան պողոտայում, թե՛ Արցախի փողոցում ստեղծված իրադրությունն այնպիսին էր, որ կային հատուկ միջոցներ կիրառելու պայմաններ, հիմքեր, և այդ միջոցները կիրառվել են: Հավելենք, որ նույնպիսի միջոցներ կիրառվել են ներկա իշխանության օրոք նաև անցած տարի սեպտեմբերին՝ կառավարության դիմաց, սակայն որեւէ պատիժ ու քրգործ չկա:



Գյումրիում երեկվանից աժիտած է: Ինչպես արդեն հայտնի է, այսօր Բագրատ Սրբազանը և նրա աջակիցները ավտոերթով գնալու են դեպի Գյումրի, որտեղ միջոցառում է արդեն երեկոյան հանրահավաք է սպասվում: Հանրահավաքը տեղի կունենա Գյումրիի Թատերական հրապարակում 18:00-ին: «Ժողովուրդ» օրաթերթի աղբյուրների փոխանցմամբ՝ Գյումրիում Բագրատ Սրբազանի գալու ընդառաջ՝ երեկվանից ակտիվ մթնոլորտ է, քաղաքացիները պատրաստվում են նրան դիմավորելու: Տեղեկացանք, որ մի խումբ գյումրեցիներ պատրաստվում են Սրբազանին և նրա աջակիցներին դիմավորել: Այնտեղ է լինելու նաև Շիրակի թեմի առաջնորդ Միքայել Սրբազանը, որը եւս ընդառաջ է գալու Բագրատ Սրբազանին: Ինչպես մեր աղբյուրներն են հայտնում, երեկվանից քաղաքում ոստիկանական ուժերի կուտակում է սկսվել:





### ԱՆԴՐԱԴԱՐՁ

# ԱՆՏԵՍՈՒՄ ԵՆ ՇԱՐԱՌՈՒՆԵՐԻՆ

**ԱՀ մարդու իրավունքների դաշտային Քեդամ Սեփանյանը հայաստանյայցիքուն է սարածել. «Հարգելի՛ հայրենակիցեր, Արցախից բռնի սեղանակալուները դիմում են՝ հսակ սեղանակալուները սահմանափակելու կենսապահով կուսակալին համակարգով կուսակալած գումարների ճակատագրի վերաբերյալ: Խոսքը ընդհանուր առմամբ մոտ 17 մլրդ դրամի է, մոտ 34,5 հազար բնակչության մասին է:»**



Կուսակալին համակարգում գործող այլ ֆոնդի: Ըստ օրենքի՝ գործընթացը պետք է ավարտվեր 2024 թվականի նոյեմբերին:  
- Սակայն 2024 թվականի մայիսին ԶԶ կառավարությունը հանդես է եկել օրենսդրական նախաձեռնությամբ՝ համաձայն որի նախատեսվում է, որ կուսակալին կենսապահով կալվածքային համակարգի մասնակիցը, իր դիմումի համաձայն, կարող է իր կուսակալած միջոցները տեղափոխել ԶԶ կենսապահով կալվածքային համակարգ, իսկ համապատասխան դիմումի բացակայության դեպքում, միջոցները տեղափոխվելու են օրենքի ուժով:  
- Փաստորեն ԶԶ կառավարության առաջարկած նախագծով հնարավորություն չի ստեղծվում կուսակալած միջոցները մասնակցին վերադարձնելու համար, այլ միայն սահմանվում է, որ դիմումի առկայությամբ կամ առանց դրա կուսակալած գումարները փոխանցվելու են

ԶԶ կուսակալին կենսապահով կալվածքային համակարգում գործող այլ ֆոնդի:  
Ըստ էության՝ Զայաստանի Զանրապետության կառավարությունը, փաստացիորեն չունենալով որևէ լիազորություն կուսակալած գումարների ճակատագրի տևորինման մասով, շրջանառվող օրենքի նախագծով փորձում է ներդրումային ֆոնդի գումարները տեղափոխել ԶԶ կենսապահով կալվածքային ֆոնդ՝ գրկելով կուսակալին համակարգի մասնակցին սեփական միջոցները տնօրինելու հնարավորությունից:  
Զայաստանի Զանրապետության կառավարության համար արդեն ընդունված վարչապետի դարձել բռնի տեղահանվածներին վերաբերող հարցերի վերաբերյալ որոշումներ կայացնել առանց պատշաճ հանրային քննարկման, առանց ներառականության ապահովելու՝ անտեսելով առկա իրենց վերաբերող հարցերի շուրջ լսված լինելու իրավունքը: **ԱՆՆԱ ՍՐԿՊՈՒՆՅԱՆ**

## ԵԿԵՂԵՑՈՒՄ ԶԱՐԿԵԼՈՒ ՄԱՍԻՆ

«Կարծում եմ այն, ինչ ենթադրում է կրոնական նպատակ, չպետք է հարկվի, այն, ինչ օտարվում է, դրա դիմաց գումար է գանձվում, այդտեղ ավելորդ չէ մտածել» - այս մասին երեկ մայիսի 31-ին, լրագրողների հետ ճեպագրույցում ասաց ՊԵԿ նախագահ Ռուստամ Բադալյանը՝ անդրադառնալով Եկեղեցու հարկելու հնարավորությանը:

«Եթե հավատացյալը ցանկանում է հանգանակություն անել առանց հասցեավորման, այդտեղ խնդիր չկա, իսկ եթե ինչ-որ մի պարագա վաճառվում է շահույթ ստանալու նպատակով, կարծում եմ՝ ակնհայտ է, որ պետք է հարկվի», - ասաց Բադալյանը:

Բադալյանը տեղեկացրեց, որ այս պահին հարկային օրենսգրքով սահմանված են հարկային արտոնություններ որոշակի ծիսական պարագաների օտարման մասով, անշարժ գույքի հարկի արտոնություններ են սահմանված:

Նա հայտնեց, որ եկեղեցու հարկման վերաբերյալ որեւէ նոր նախագիծ չկա:

## ՔՊ ԹԵԿՆԱԾՈՒՄ ԸՆՏՐՎԵԼ Է ՓԱՐԱՔԱՐԻ ԶԱՄԱՅՆՔԱՊԵՏ

ՔՊ պատգամավոր Վահագն Ալեքսանյանը սոցցանցի իր էջում գրում է. «Փարաքար համայնքում ավագանու անդամների 11 կողմ ձայներով համայնքապետ ընտրվեց «Քաղաքացիական պայմանագիր» խմբակցության կողմից առաջադրված թեկնածու Լյուդվիգ Գյուլնազարյանը:

Հիշեցնենք, որ 2,5 տարի առաջ կայացած ընտրությունների արդյունքով «Քաղաքացիական պայմանագիր» ու «Դավիթ Մինասյան» դաշինքը կռալիցիոն հուշագիր էին կազմել, համաձայն որի համայնքի կառավարումն իրականացվելու էր 2,5 տարի Դավիթ Մինասյանի և 2,5 տարի Լյուդվիգ Գյուլնազարյանի կողմից:

Շնորհավորում եմ պարոն Գյուլնազարյանին և մաղթում արդյունավետ աշխատանք»:

## ԱԳՐԲԵՋԱՆԻ ԱԿՆԿԱԼԻՔՆԵՐԸ

Ադրբեջանը Զայաստանից ակնկալում է ականապատ դաշտերի «ճշգրիտ քարտեզներ»։ Այս մասին լրագրողներին հայտնել է Ադրբեջանի նախագահի՝ հատուկ հանձնարարություններով ներկայացուցիչ էլչին Ամիրբեկովը:

«Ակնկալում ենք, որ Զայաստանը ճշգրիտ տվյալներ կներկայացնի մեր պահանջի համաձայն: Սա կարող է դիտվել նաեւ որպես երկու կողմի միջեւ վստահության հիմնարար միջոց», - ասել է նա:

Ամիրբեկովը նշել է, որ ականների վերաբերյալ հայկական կողմի տրամադրած տեղեկատվությունը շատ «անորակ է և ցածր մակարդակի»:

## ՕՐՎԱ ԽՃԱՆԿԱՐ ԶԵՐՔՈՒՄ Է ԱԼԵՆ ՍԻՄՈՆՅԱՆԻՆ

Աժ նախագահ Ալեն Սիմոնյանը օրերս Ազգային ժողովում հայտարարեց, որ կարծում է՝ եկել է ժամանակը՝ Զայ առաքելական եկեղեցին պիտի հարկվի:

«Մենք պետք է հասկանանք՝ հարկային այն պարտավորությունները, որոնք բոլորի համար առկա են, եկեղեցու հանդեպ ինչո՞ւ չի կիրառվում: Ես կարծում եմ, որ մոտ ժամանակներում պետք է քննարկենք այս հարցը», - ասել է Աժ նախագահը:

Սիմոնյանի խոսքով՝ եկեղեցին մոմ, գինի, կոկա-կոլա է ծախում, հարստանում է, բայց հարկ չի վճարում:

Այսօր Ազգային ժողովի հանձնաժողովներում շարունակվում է ԶԶ 2023 թվականի պետական բյուջեի կատարման մասին տարեկան հաշվետվության նախնական քննարկումները:

Քննարկման ընթացքում ԶԶ Պետական եկամուտների կոմիտեի նախագահ Ռուստամ Բադալյանը հայտարարեց, որ եկեղեցին վճարում է հարկեր:

Զավելենք նաև, որ Զայաստանյաց առաքելական սուրբ եկեղեցին արդեն մի քանի տարի է հազար խոշոր հարկատուների շարքում է:

## ԱԿՆԿԱԼ ԸՍՏ ՊԵԿ-Ի ԻՐԱԿԱՐԱԿՈՒՄՆԵՐԻ, 2023 թվականի վերջին 1000 խոշոր հարկ վճարողների կողմից 2023թ. հունվար-դեկտեմբեր ամիսների ընթացքում Զայաստանյաց առաքելական սուրբ եկեղեցին զբաղեցրել է 768-րդ տեղը և վճարել է 435 մլն 405 հազար դրամ գումար:

Ստացվում է, որ ՊԵԿ նախագահ Ռուստամ Բադալյանը հեղքում է Աժ նախագահի՝ ԶԶ ամենաբարձր ամբիոնից հնչեցրած ամպագոռոգո հայտարարությունները:  
**ԷՄՍՍ ՄԻՔԱՅԵԼՅԱՆ**

## ԿՄԵԿՆԻ ԳՈՐԾՈՒՂՄԱՆ

Ազգային ժողովի նախագահ Ալեն Սիմոնյանը մայիսի 29-ին կարգադրություն է ստորագրել, որում ասված է.

«Ղեկավարվելով «Ազգային ժողովի կանոնակարգ» սահմանադրական օրենքի 6-րդ հոդվածի 2-րդ մասի 3-րդ կետով և հաշվի առնելով Ազգային ժողովի նախագահի 2024 թվականի մայիսի 29-ի Կ-155-Ա կարգադրությունը՝ կարգադրում եմ.

1. 2024 թվականի հունիսի 3-6-ը Ազգային ժողովի նախագահի պարտականությունների ժամանակավոր կատարումը

## Հանձնարարել Ազգային ժողովի նախագահի տեղակալ Յակոբ Արշակյանին»:

Ավելի վաղ հայտնել էինք, որ Աժ նախագահի գլխավորած պատվիրակությունը պաշտոնական այցով 2024 թվականի հունիսի 3-6-ը կգործողվի Լյուբլյանա:

## ՊԱՏՐԱՍՏ Է ՕԳՆՈՒԹՅԱՆ ԶԵՌՔ ՄԵԿՆԵԼ

Զայաստանի իշխանությունները դրական են արձագանքել հանրապետությունում տեղի ունեցած ջրհեղեղի հետ կապված ռուսական կողմի օգնության առաջարկին:

Այս մասին ճեպագրույցի ժամանակ հայտարարել է ՌԴ ԱԳՆ պաշտոնական ներկայացուցիչ Մարիա Զախարովան՝ նշելով, որ Մոսկվան, որպես Երեւանի դաշնակից, միշտ պատրաստ է օգնության ձեռք մեկնել՝ ելնելով հանրապետության կարիքներից:

«Մենք եւս մեկ անգամ մեր ցավակցություն ենք հայտնում աղետի հետեւանքով զոհվածների ընտանիքներին և ընկերներին, իսկ տուժածներին մաղթում ենք շուտափույթ ապաքինում», - ասել է ՌԴ ԱԳՆ պաշտոնական ներկայացուցիչը:

ՏՎՅԱԼՆԵՐ

526 ԿԵՂԾ ԲԺՇԿԱԿԱՆ ՊԱՏՄԱԳՐԵՐ

Պարզվել են «Հանրադատական անձավարության կենտրոն» ՓԲ ընկերության սֆորեմի և երկու աշխատակիցների կողմից, նախնական համաձայնությամբ, փաստաթղթերի կեղծմամբ, առանձնադեպ խոսքի չափերով խարդախություն կատարելու դեղի հանգամանքները:



Վերաբերյալ թվով 526 դեպքերի տվյալները:

Դեռևս 2022թ. 33 ԱՄԾ քննչական դեպարտամենտում նախաձեռնված, հետագայում 33 քննչական կոմիտեի ԵԶԲՎ Ավան և Նոր Նորք վարչական շրջանների քննչական բաժնում քննված քրեական վարույթի շրջանակներում կատարված քննությամբ պարզվել է, որ 2017-2022թթ. ընկած ժամանակահատվածում ՓԲ ընկերության առանձին աշխատակիցներ սոցիալապես անապահով և հատուկ (առանձին) խմբերում ընդգրկված 20 անձանց տվյալներով կազմել են 526 կեղծ բժշկական պատմագրեր, որոնք որպես պետական պատվերի շրջանակներում մատուցված բժշկական ծառայություններ, մուտքագրել են 33 ԱՆ էլեկտրոնային առողջապահության «ԱՐՄԵՂ» համակարգ և պետական բյուջեից խաբուրության և վստահությունը չարաշահելու եղանակով ստացել և հափշտակել են առանձնապես խոշոր չափերի՝ ընդհանուր շուրջ 4q5 մլն 33 դրամ գումար:

Վարույթի շրջանակներում 33 առողջապահության նախարարությունից ստացվել են ՓԲ ընկերությունում պետպատվերի շրջանակներում «Սոցիալապես անապահով, հատուկ խմբերում ընդգրկվածներին բժշկական օգնության ծառայություններ» ծրագրով «ԱՐՄԵՂ» էլեկտրոնային առողջապահության համակարգով փոխհատուցման ներկայացված բժշկական օգնության և սպասարկման ընդհանուր այդ 20 անձանց

Պարզվել է, որ որոշ դեպքերում էլ անձինք նշված կենտրոնում բուժում ստացել են, սակայն ոչ թե «Արմեղ» համակարգ մուտք կատարած ժամանակահատվածում, այլ՝ նույն տարվա ընթացքում այլ ամիսների և օրերի:

Մնացածը մուտք կատարած ժամանակահատվածում, այլ՝ նույն տարվա ընթացքում այլ ամիսների և օրերի: Անհամապատասխանություններ են ի հայտ եկել նաև բուժվող անձանց պատմագրերում նշված բուժման օրերի և «Արմեղ» համակարգ մուտքագրման օրերի միջև:

Նախաքննության ընթացքում պետությանը պատճառված վերոնշյալ վնասն ամբողջությամբ վերականգնվել է: Նախաքննությունը շարունակվում է:

ՔՐԵԱԿԱՆ ՔՐՈՆԻԿՈՍ

ՊԱՇՏՈՆՅԱՆԵՐԻ ԶՐԵԱԿԱՆ ԳՈՐԾՈՎ ՈՐՈՇՈՒՄ

Խաչատուր Ռուբենի Խնձրյանին մեղադրանք է առաջադրվել այն բանի համար, որ նա, հանդիսանալով պաշտոնատար անձ, զբաղեցնելով Շիրակի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետի պաշտոնը, 2023 թվականի դեկտեմբերի 29-ին իր աշխատասենյակում Արտակ Յամետի Յարությունյանի հետ տեղի ունեցած հանդիպման ընթացքում, վերջինից ստացել է 300.000 33 դրամ կաշառքի գումար՝ «Ուլուտ Սենթ» ՍՊ ընկերության և Շիրակի մարզի Արթիկի համայնքապետարանի միջև 2023 թվականի մարտի 30-ին կնքված թիվ «ՇՄԱՅ-ԳՅԱՇՁԲ-23/16» ծածկագրով պայմանագրի շրջանակներում իրականացված՝ 33 Շիրակի մարզի Արթիկ համայնքի Տոնակայան 38-րդ բազմաբնակարան շենքի տանիքի հիմնանորոգման աշխատանքների ավարտված շինարարական օբյեկտը շահագործման ընդունող հանձնաժողովի ակտի ստորագրման և կնքման գործընթացը՝ իր ծառայողական լիազորություններով պայմանավորված ազ-

դեցությունն օգտագործելով իրականացնելու համար:

Մկրտիչ Ասատրյանին մեղադրանք է ներկայացվել 33 քրեական օրենսգրքի 435-րդ հոդված 2-րդ մասի 1-ին կետով և 33 քրեական օրենսգրքի 435-րդ հոդված 2-րդ մասի 1-ին կետով, այն արարքների համար, որ նա, հանդիսանալով պաշտոնատար անձ, զբաղեցնելով Շիրակի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության գլխավոր մասնագետի պաշտոնը, 2 դրվագով խմբի կազմում ստացել է ընդհանուր՝ 70.000 33 դրամ կաշառքի գումարներ:

Գործով նախաքննության ավարտ է հայտարարել և այն ուղարկվել է դատարան:

ՔՍՈՐ ՄԱՆՈՒԿՅԱՆ

1 ՏՈՆՆԵԱ ԿՈՆԱՐՆԻ ԳՈՐԾԻ ՄԱՍԻՆ

ԱՄԾ պահեստազորի սպաների միությունը հայտարարություն է տարածել. «Այսօր հրապարակվեց, որ մեկ տոննա կոկաինի մաքսանենգության գործով կալանավորված բոլոր անձինք ազատ են արձակվել:

● Ըստ ոստիկանության տվյալների՝ մայիսի 29-ից 30-ը 33 ՆԳՆ ոստիկանության ստորաբաժանումների կողմից բացահայտվել է հանցագործության 92 դեպք, որից 1-ը՝ նախկինում կատարված:

ԼՈՒՐԵՐ

ՊԱՇՏՈՆՅԱՆ Ե ԲՈՆԱԳԱՆՉԵԼ ԸՈՒՐՋ 20 ՄԼՐԳ ԳՐԱՄ

Հակակոռուպցիոն դատարանը 2024 թվականի մայիսի 23-ին վարույթ է ընդունել Գլխավոր դատախազության՝ ապօրինի ծագում ունեցող գույքի բռնագանձման վերաբերյալ հերթական հայցադիմումը:

Գլխավոր դատախազության ապօրինի ծագում ունեցող գույքի բռնագանձման գործերով վարչությունը պահանջ է ներկայացրել դատարանին՝ 33 Ազգային ժողովի նախկին պատգամավոր, բնապահպանության նախկին նախարար Վարդան Այվազյանից և նրան փոխկապակցված անձանցից բռնագանձել՝

- 3 անշարժ գույք.
- 2 տրանսպորտային միջոց.
- 8 իրավաբանական անձանցում մասնակցություններ, բաժնեմասեր և բաժնետոմսեր.
- 2 տրանսպորտային միջոցի միջին շուկայական արժեքին համարժեք գումար.

2 մլրդ 632 մլն 342 հազար դրամ, որը չի հիմնավորվում անձի օրինական եկամուտներով, ունի ապօրինի ծագում, փոխանցվել է բարեխիղճ ձեռքբերողի կամ հնարավոր չէ նույնականացնել և բռնագանձել:

18 մլրդ 593 մլն 643 հազար դրամ որպես ապօրինի ծագում ունեցող գույքի օգտագործումից ստացված եկամտի մնացորդ.

Շուրջ 101 մլն դրամի չափով տրված փոխառության պահանջի իրավունք:

ԲԱՎԱՐԱՐԵԼ Ե ՄԻՋՆՈՐԳՈՒԹՅՈՒՆԸ

Վրաստանի իրավասու մարմինը բավարարել է Հայաստանի Հանրապետության գլխավոր դատախազության միջնորդությունը և հետախուզվող անձ Ս.Ս.-ին հանձնել Հայաստանի իրավասու մարմիններին: Այդ մասին հայտնում են Հայաստանի Հանրապետության գլխավոր դատախազությունից:

Ս.Ս.-ն մեղադրվում է ապօրինի ձեռք բերած, հրագն հանդիսացող ինքնաձիգով 2019 թվականի սեպտեմբերի 4-ին շատերի կյանքի համար վտանգավոր եղանակով, դիտավորությամբ ապօրինաբար երկու և ավելի անձանց կյանքից զրկելու փորձի և Հայաստանի Հանրապետության պահպանվող պետական սահմանը ապօրինի հատելու համար:

Հայաստանի Հանրապետության գլխավոր դատախազության հանձնարարությամբ՝ Ներքին գործերի նախարարության ոստիկանության աշխատակիցների կողմից ապահովվել է Ս.Ս.-ի տեղափոխումը Երեւան:

ՄԱՐԶ

ՊԱՐՏԱԳԻՐԵԼ Է ԾԱԽԵԼ ԿԻՆԵՄԱՒԱՆՆԵՐԸ

Տավուշի մարզպետը Հայկ Ղալումյանը մարզի հանրակրթական դպրոցների տնօրեններին պարտադրել է, որ նրանք աշակերտներին վաճառեն էկզոտիկ կենդանիներ ցուցադրող շրջիկ կրկեսի ելույթների տոմսերը: Իր հերթին Դիլիջան համայնքի Հաղարծին գյուղի միջնակարգ դպրոցի տնօրեն Գոհար Թամամյանը դպրոցի դասղեկներին պարտադրել է 5-8-րդ դասարանների աշակերտներին 1000 դրամով վաճառել շրջիկ կրկեսի տոմսերը: Որոշ ծնողներ ընդդիմացել են, զայրացած գնացել են Հաղարծնի դպրոց, հայտնել, որ իրենց երեխան օձերից վախ ունի, ավերգի ունի էկզոտիկ կենդանիների հանդեպ: Հաղարծնի շատ ծնողներ սոցիալապես վատ վիճակում են, նրանց համար տոմսի 1000 դրամը քիչ փող չէ, սակայն Գոհար Թամամյանից վախեցել են, ուստի բողոքել են լրագրողին: Հաղարծնի դպրոցի դասղեկների, ուսուցիչների չաթում տնօրեն Գոհար Թամամյանը զգուշացում է արել դասղեկներին, հայտնելով. «Հաղարծնի միջն. դպրոցում մայիսի 17-ին էկզոտիկ կենդանիների ցուցադրություն է լինելու: Մարզի բոլոր դպրոցներում իրականացվել է բարձր մակարդակով մարզպետի գրության հիման վրա: 5-րդ դասարաններից մինչև 8-րդ դասարանները պարտադիր մասնակցում են, չմասնակցելու դեպքում դասղեկների գումարից պահվելու է, դասղեկի պարտականությունների մեջ է: Մարզպետարանին հաշվետվություն պետք է տանք»: Հետո Գ. Թամամյանը դասղեկներին հայտնել է, որ մարզպետարանից զանգել են՝ տոմսերի վաճառքի վիճակը ճշտելու համար, պատվիրել է հետեւել տոմսերի վաճառքի վիճակին, նրանց նախատել է, որ կարգին դասղեկություն չեն անում, դասամատյանները ճիշտ չեն լրացնում, սպառնացել է դասղեկների անունները հայտնել ԿՋՆԱԿ: Մեր Լրագրողի ձեռքի տակ է նաև Տավուշի մարզի հանրակրթական դպրոցների տնօրեններին Տավուշի մարզպետարանի գլխավոր քարտուղար Արման Գետրոյանի գրությունը, որտեղ նա «Մաղաքասկար» շարժական կենդանական այգու գովազդն է արել, որ այդ կրկեսը երեխաների սերն է առաջացնում կենդանիների հանդեպ, Ա. Գետրոյանը հայտնել է, որ երեխաները կարող են կերակրել կենդանիներին, նկարվել նրանց հետ: Մարզպետարանի գլխավոր քարտուղարը մարզպետարանի ենթակա դպրոցների տնօրեններին խնդրել է տրամադրել համապատասխան տարածք, աջակցել միջոցառման գործընթացին: Տավուշի մարզպետ Հայկ Ղալումյանը եւ մարզպետարանի պաշտոնյաներն իրենց պաշտոնական դիրքը չարաշահելով, դպրոցների տնօրեններին պարտադրել են մասնավոր բիզնես շրջիկ կրկեսին դպրոցում տարածք տրամադրել, պարտադրանքով աշակերտներին տոմսեր ծախել, ինչը օրենքով անթույլատրելի է: Անթույլատրելի է նաև դպրոցի տնօրեն Գոհար Թամամյանի սպառնալիք-պարտադրանքը դասղեկներին:

ՈՍԿԱՆ ՄԱՐԶՅԱՆ  
Տավուշ

«42 ԵՐԵՎԱՆ»

ՇՐՋԱՆԱՎԱՐՏՆԵՐԸ ՄՏԱՑԵԼ ԵՆ ԱՎԱՐՏԱԿԱՆ ՎԿԱՅԱԿԱՆՆԵՐ

Ծրագրավորման միջազգային դորոցի առաջին ՀՀ կրթության, գիտության, մշակույթի եւ սպորտի նախարարի ղեկավար Արաքսիա Սվաշյանն այսօր «Թումո» ստեղծարար տեխնոլոգիաների կենտրոնում մասնակցել է «42 Երեւան» ծրագրավորման միջազգային դորոցի առաջին բնագավառների ավարտական միջոցառմանը:



Կրթական հիմնական ծրագիրը հաջողությամբ ավարտել է 73 շրջանավարտ, որոնց ավելի քան 80 տոկոսն արդեն աշխատում է ՏՏ ոլորտի տարբեր ընկերություններում: Կենտրոնն այս պահին ունի 200-ից ավելի ակտիվ սովորողներ:

Ողջունելով շրջանավարտներին եւ շնորհավորելով այս նշանակալի իրադարձության կապակցությամբ՝ ԿԳՄՍ նախարարի տեղակալ Արաքսիա Սվաշյանը կարեւորել է պետության համար գերակա ուղղություններից մեկի՝ տեղեկատվական տեխնոլոգիաների ոլորտում կրթական եւս մեկ հետաքրքիր ծրագիր ունենալու՝ Թումոյի ընձեռած հնարավորությունը:

«Վստահ եմ ձեզնից յուրաքանչյուրը բազմաթիվ դժվարությունների եւ փորձությունների միջով է անցել այս փուլին հասնելու համար: Միջազգային նմանօրինակ կրթական ծրագրի շրջանավարտ հանդիսանալն, իսկապես, կարեւոր ձեռքբերում է: Անկասկած, թե՛ տեղական, թե՛ միջազգային աշխատաշուկայում լայն հնարավորություններ կունենաք:

Կարծում եմ ՏՏ ոլորտի զարգացման ուղղությամբ մեր երկրում իրականացվող բազմաթիվ ծրագրերի շարքում «42 Երեւանը» ունի իր ուրույն տեղն ու կարեւոր դերակատարությունը», - նշել է Արաքսիա Սվաշյանը:

Կենտրոնը բաց է օրը 24 ժամ՝ շաբաթը 7 օր, իսկ ուսուցման ծրագրի ժամանակացույցը կազմվում է սովորողի ընտրությամբ:

«Շրջանավարտներն այս կրթական ծրագրի շրջանակում մասնագիտական գիտելիքներ ու կարողություններ են ստացել ոչ միայն տեղեկատվական տեխնոլոգիաների ոլորտում, այլեւ զարգացրել են բազմաթիվ հմտություններ, որոնք կարեւոր են թե՛ աշխատանքային միջավայրում փոխհարաբերությունների եւ հաջող կարիերայի ձեւավորման, թե՛ նաեւ որպես քաղաքացի արդյունավետ գործունեության ծավալման տեսանկյունից», - համոզմունք է հայտնել Արաքսիա Սվաշյանը:

Միջոցառմանը մասնակցել եւ շրջանավարտներին ավարտական վկայականներ են հանձնել նաեւ Հայաստանում ԵՄ պատվիրակության համագործակցության բաժնի ղեկավար Ֆրանկ Հեսը, «Թումո» ստեղծարար տեխնոլոգիաների կենտրոնի զարգացման գլխավոր տնօրեն Պեգոր Փափազյանը եւ այլք:

Հայաստանում ԵՄ պատվիրակության համագործակցության բաժնի ղեկավար Ֆրանկ Հեսը ողջունել է շրջանավարտներին եւ հետագա հաջողություններ մաղթել նրանց: Ֆրանկ Հեսն ընդգծել է՝ ԵՄ-ն ուրախ է աջակցել Հայաստանի կրթության համակարգին, մասնավորապես՝ հանրակրթության բարեփոխումներին:

Միաժամանակ, Հայաստանում ԵՄ պատվիրակության համագործակցության բաժնի ղեկավարը ԵՄ բյուջետային աջակցության շրջանակում կարեւորել է նաեւ ոչ ֆորմալ կրթության զար-

գացումը, որի լավագույն օրինակներից է «Թումո» ստեղծարար տեխնոլոգիաների կենտրոնը:

«42 Երեւանը» ծրագրավորման անվճար դպրոց է, որի նպատակն է կրթել ոլորտի ապագա մասնագետներին: Եվրոպական միության կողմից ֆինանսավորվող ԵՄ Թումո ինստիտուտական եւ կիրառական գիտությունների գլխավոր նախագծերից մեկի՝ Թումո լաբորատորիաների մաս կազմող կենտրոնն իր տեղն է գտել ֆրանսիական առաջատար 42 ծրագրավորման դպրոցների ցանցում, որում արդեն իսկ ընդգրկված են Սեուլի, Ռիո դե Ժանեյրոյի, Մոսկվայի, Ամստերդամի եւ աշխարհի 26 այլ քաղաքների ծրագրավորման կենտրոններ:

Երեւանը ծրագրին միացել է 2020 թվականին՝ աշխատաշուկայի համար ՏՏ ոլորտի բարձրակարգ մասնագետներ ապահովելու առաքելությամբ:

ԷՄՍՄ ՄԱՐՏԻՐՈՍՅԱՆ

ՄՊԱՍՈՒՄ ԵՆ ԵՐԵՎԱՆԵՐԻՆ

ՀՈՒՆԻՄԱՆԿՅԱՆ ՄԻՋՈՑԱՌՈՒՄՆԵՐ

Երեխաների դաժնացումից միջազգային օրը՝ հունիսի 1-ին, ՀՀ ԳԱՍՄ Արմեն Թախտաջյանի անվան բուսաբանության ինստիտուտի Երեւանի բուսաբանական այգում երեխաների համար կանցկացվեն մի ԵՄՄ միջոցառումներ:

Ժամը 12:00-ին կբացվի «Բնության դեսպաններ» խորագրով բնապահպանական ցուցահանդեսը, որի կազմակեր-

պիչներն են «ՀՀ ԳԱՍ Արմեն Թախտաջյանի անվան բուսաբանության ինստիտուտ» ՊՈԱԿ-ը եւ «Էյ Թի Փի» բարեգործական հիմնադրամը:

Ցուցահանդեսի նպատակն է համախմբել բնապահպանական կրթությամբ զբաղվող կազմակերպություններին եւ դպրոցներին՝ ստեղծելով հարթակ հետագա համագործակցության համար: Կլինեն ազգային պարեր, երեխաների համար ազգային պարերի ուսուցում,

ազգային խաղեր, բնապահպանական աշխատարաններ (միջատների հյուրանոց, ծառերի ձեւավորում, պատվաստ, գիտափորձեր, «երկրորդ կյանք» թափոնին, կանաչ ապրելակերպի խրախուսում), բնապահպանական ֆիլմերի ցուցադրություն, թեմատիկ քննարկումներ եւ դասախոսություններ:

Հունիսի 1-ին Երեւանի բուսաբանական այգու մուտքն անվճար է:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 15 պատահար. 30 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԱԿՑԻԱՅԻ ԱՎԱՐՏԻՆ ՄԵԱՅ 2 ՇԱԲԱԹ

Հայկերի և արտասահմանյան շահագործողներին համար...

AEB Visa Business քարտը ներկայացվել է...

- AEB Online համակարգի անվճար սպասարկում...

- 50% զեղչ բանկային հաշվի բացման համար...

Անվճար աշխատավարձային քարտեր 10+...

50% զեղչ ղեկավար անձանց VISA Platinum և VISA Infinite...

2% cashback միջազգային անկանխիկ վճարումների դիմաց...

4% cashback Ran Oil բենզալցակայանների ցանցում...

3% մշտական Cashback TravelOne տուրիստական կազմակերպության կողմից...

եւ այլ բազում առավելություններ Առաջարկը գործում է մինչև հունիսի 14-ը:

Ակցիայի մանրամասներին կարող եք ծանոթանալ...

AEB Visa Business քարտ. ճիշտ ընտրություն բիզնեսի համար:

ԿԵՆՏՐՈՆԸ ՀԱՄԱԼՐՎԵԼ Է ԺԱՄԱՆԱԿԱԿԻՑ ՍԱՐՔԵՐՈՎ

ՀՀ ԱՆ այրվածքաբանության եւ մաշկաբանության ազգային կենտրոնի մանկական վերակենդանացման բաժանմունքը...

«ԿԻԲԵՐՈՒՆՎԱՆՔԱՆԳՈՒԹՅԱՆ ՇԱԲԱԹ»

ԱՄՓՈՓՎԵՑԻՆ ԱՐԴՅՈՒՆՔՆԵՐԸ

2024 թ. մայիսի 18-26-ը «Կիբեռանվտանգության ցարաթ» միջոցառման շահագործողում...

Նշենք, որ հիշյալ համաժողովը, ինչպես նաև հերթական «BSides Yerevan 2024»...

CyberGEN2024 համաժողովի նպատակն է երիտասարդ մասնագետների շրջանում...

ԿԲ նախագահի տեղակալ Արմեն Նուրբեկյանն իր բացման խոսքում նշեց, որ վերջին տարիների տեխնոլոգիական առաջընթացի...

Գլոբալ տեսանկյունից այնպիսի խնդիրներ, ինչպիսիք են կազմակերպությունների խոցելիությունը, կիբեռ գիտելիքների և մասնագետների մեծ պակասն ու քիչ նեսների ու կիբեռանվտանգության համատեղելիությունը...



CyberGEN2024 համաժողովի օրակարգում ընդգրկված էին երկու հիմնական ուղղություններ...

Համաժողովին ելույթ ունեցան խոսնակներ այնպիսի հայտնի կազմակերպություններից, ինչպիսիք են Trellix, Amazon Web Services, SimSpace, OpenText Cybersecurity, Google Cloud, CQURE, Կասպերսկի, F5 և այլն...

Մայիսի 25-26-ը կիբեռանվտանգության շաբաթն ամփոփեց «Bug Bounty» միջոցառումը, որի արդյունքներով պորոգուկտի, լուծման կամ համակարգի սեփականատերերը պարգևատրում են իրենց պորոգուկտներում...

տերերը պարգևատրում են իրենց պորոգուկտներում, լուծումներում կամ համակարգերում կարելու խնդիրներ գտած անձանց՝ խրախուսելով ինչպես երիտասարդ, այնպես էլ փորձառու մասնագետներին իրենց գիտելիքներով ու փորձով նպաստել մեր երկրում թվային լուծումների անվտանգ զարգացմանը:

Մասնակից «հաքերային» թիմերը պետք է փորձեն մուտք գործել եւ գտնել համակարգերի խոցելիությունները: Թիմերի միջև պայքարը տևեց 24 ժամ, որի ընթացքում երեսուկից ավել մասնագետներ տասը թիմերով պայքարում էին առաջին տեղի համար:

Լավագույն հինգ թիմերն ստացան դրամական պարգևներ՝ գործընկերների աջակցությամբ սահմանված մրցանակային ֆոնդից:

Այս տարի «Bug Bounty»-ին ներկայացված էին պետական նշանակության երկու համակարգեր, ինչպես նաև ԱԿԲՄ բանկի առցանց բանկինգ համակարգը եւ մրբայլ հավելվածը:

ՆՈՐՈՒԹՅՈՒՆՆԵՐ

ԲԱԼԵՏԱՅԻՆ ԵՐԵԿՈՅԻ ՀՈՎԱՆԱՎՈՐ

«Բալետ 2021» հիմնադրամի նախաձեռնությամբ եւ «Ֆայթ» բանկի աջակցությամբ...

«Շերբուրգյան հովանոցներ» բալետը Միջել Լեգրանի արդեն սիրված երաժշտության ժամանակակից մեկնաբանությունն է՝ սյուժեի, պարի եւ բեմական հագուստի յուրահատուկ ձեւավորմամբ: Իսկ «Լա Բոհեմ» դեռևս 2017 թվականին բեմադրված բալետային ներկայացումը, ստեղծվել է մեծաշուն 21-ամյան Զառլ Ազնավուրի 12 երգերի հիման վրա: Բալետի հայաստանյան առաջնախաղին ներկա է եղել նաև ինքը՝ լեգենդը: «Լա Բոհեմ»-ն Ազնավուրի կերպարի, անցած կյանքի եւ զգացմունքների այլաբանական արտապատկերումն է: Խորհրդանշական է, որ բալետը վերականգնվում է Ազնավուրի հոբելյանական տարում եւ լավագույն կիսամյա Նրա ծննդյան 100-ամյակին նվիրված միջոցառումների շարքը: Բալետային ներկայացումները բեմադրել է ՀՀ Ժողովրդական արտիստ, ճանաչված բալետավար Ռուդոլֆ Կառապետյանը:

Լեոնիդ Լեոնովիչի արտիստ, ճանաչված բալետավար Ռուդոլֆ Կառապետյանը:

«Ֆայթ» բանկի կողմից մշակութային նախագծերին աջակցությունը պարբերական բնույթ է կրում եւ Բաղայանների ընտանիքին պատկանող ընկերությունների խմբի կորպորատիվ սոցիալական պատասխանատվության կարելու մաս է:

«CYBERGEN». ԿԱՅԱՑԵԼ Է ԿՈՆՖԵՐԱՆՍ

Երեք տարի անընդմեջ Կենտրոնական բանկը Հայաստանում կազմակերպում է «CYBERGEN» կիբեռանվտանգության կոնֆերանս, որին մասնակցել են տեղեկատվական տեխնոլոգիաների եւ կիբեռանվտանգության ոլորտի բազմաթիվ փորձագետներ, համաշխարհային տարբեր ընկերությունների ներկայացուցիչներ:

Կոնֆերանսի հիմնական նպատակներից մեկը կիբեռանվտանգության ոլորտում երիտասարդ մասնագետների գիտելիքների, հմտությունների եւ փորձի փոխանակման զարգացումն ու բարելավումն է:

Այս տարի եւս «CYBERGEN» կոնֆերանսի հովանավորներից է Ալբա բանկը, որը մշտապես կարելու է հաճախորդների

անձնական տվյալների պաշտպանությունն ու պահպանումը:

«Մեր առաջնային նպատակներից է ապահովել մեր հաճախորդների ֆինանսական անվտանգությունը, որի համար Ալբա բանկը մշտապես մեծ ջանքեր է հատկացնում: Ֆինանսական համակարգում մեր բանկը միակն է, որը ստացել է ISO 27701 անձնական տվյալների կառավարման հավաստագիր: Սա նշանակում է, որ մեր հաճախորդների տվյալները պահպանվում եւ մշակվում են միջազգային լավագույն փորձին համապատասխան», - նշել է Ալբա բանկի ՏՏ բաժնի ղեկավար Վաղարշակ Իսկանդարյանը:

«Այստեղ հավաքվել են Հայաստանի եւ աշխարհի 15 երկրների մասնավոր ու պետական կազմակերպությունների ներկայացուցիչներ, որպեսզի կարողանան թե՛ մեր ֆինանսական համակարգը, թե՛ պետական համակարգը դարձնել կայուն հարձակումների նկատմամբ: Պետք է նշենք, որ տեխնոլոգիաները կատարյալ չեն եւ հնարավոր է լինեն թերություններ. բացարձակ անթերի տեխնոլոգիաներ այսօր եւ հետագայում եւս չեն կարող լինել, ուստի նման միջոցառումները մեծ նշանակություն ունեն առաջ գնալու եւ զարգանալու համար», - նշել է Կենտրոնական բանկի ՏՏ եւ կիբեռանվտանգության տնօրեն Կոմիտաս Ստեփանյանը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:





**ՀԱՇՄԱՆԴԱՍՈՒԹՅՈՒՆ**

**ՀԱՐՑ.** Հաճանդամ երեխային կամ 1-ին խմբի հաճանդամին խնամելու ժամանակաշրջանը հաճավա՞յն է աշխատանքային ստա՞ծում: Եվ կցանկանա՞յի նաև ճեղեկանալ՝ երեխային խնամելու ժամանակահատվածը ինչո՞րք է հաճավա՞յն աշխատանքային ստա՞ծում:  
 Երանուհի Հակոբյան (32 տարեկան)



**ՊԱՏԱՍԽԱՆ.** Ե. Հակոբյանի հարցին ի պատասխան՝ տեղեկացնում ենք, որ անհրաժեշտ աշխատանքային ստաժի առկայության դեպքում հաշմանդամ երեխայի խնամակալության ժամանակաշրջանը մինչև երեխայի 18 տարին լրանալը կամ առաջին խմբի հաշմանդամին խնամելու ժամանակաշրջանը հաշվառվում է ծնողի, որդեգրողի, խնամակալի աշխատանքային ստաժում, եթե նա ունի խնամարկյալի հաշմանդամության ժամանակահատվածը հաստատող տեղեկանք, իսկ խնամակալի դեպքում՝ նաև խնամակալ ճանաչված լինելու եւ խնամակալության ժամանակահատվածի մասին տեղեկանքներ, սակայն տասը տարուց ոչ ավելի՝ մինչև կենսաթոշակ նշանակելը ընկած ժամանակահատվածում:  
 Սահմանված աշխատանքային ստաժի առկայության դեպքում աշխատանքային ստաժում հաշվառվում են նաև ծնողներից մեկի՝ մինչև յուրաքանչյուր երեխայի երկու տարին լրանալը երեխային խնամելու ժամանակահատվածը վեց տարուց ոչ ավելի: Մեկ օրացուցային տարվա համար չի կարող հաշվարկվել մեկ տարուց ավելի աշխատանքային ստաժ՝ բացառությամբ սույն օրենքով սահմանված դեպքերի:  
**Կենսաթոշակային համակարգի իրազեկման կենտրոն**

**«ԺՈՂՈՎՈՒՐԳ».** Կենսաթոշակի չափը հաշվարկելիս (վերահաշվարկելիս) աշխատանքային ստաժի հանրագումարի մեջ (տարի, ամիս, օր) մինչև 6 ամսվա (180 օրվա) ժամանակահատվածը չի հաշվառվում, իսկ 6 ամսվանից ավելի ժամանակահատվածը հաշվառվում է որպես մեկ տարվա ստաժ:

Էջը՝ ԱԼՎԱՐԴ ԿՈՇԿԱԿԱՐՅԱՆԻ

**ԿՎՐԳ**

**ՀԱՐՑ.** Հետաքրքիր է իմանալ՝ եթե ՀԿ-ն ֆիզիկական անձին կրթաթոշակ է սպիս, արդյո՞ք եկամտային հարկի դարձվորություն առաջանում է, թե ոչ:  
 Մանվել Սիրադեղյան (52 տարեկան)



**ՊԱՏԱՍԽԱՆ.** Հայտնում ենք, որ «Եկամտային հարկի մասին» Հայաստանի Հանրապետության օրենքի 6-րդ հոդվածի 1-ին մասի 18 կետի համաձայն՝ նվազեցվող եկամուտներ են համարվում բարձրագույն ուսումնական հաստատությունների ուսանողներին, ասպիրանտներին, միջնակարգ-մասնագիտական ու պրոֆեսիոնալ-տեխնիկական ուսումնական հաստատությունների սովորողներին, հոգեւոր ուսումնական հաստատությունների ունկնդիրներին պետության կողմից վճարված կրթաթոշակները, ինչպես նաև այն կրթաթոշակները, որոնք նրանց համար նշանակվում են այդ ուսումնական հաստատությունները կամ նշված հոդվածի 1-ին մասի 14-րդ եւ 15-րդ կետերում նշված կազմակերպությունները:  
**ՀՀ պետական եկամուտների կոմիտե**

**«ԺՈՂՈՎՈՒՐԳ».** Այսինքն՝ ՀԿ-ի կողմից ֆիզիկական անձին նշանակված կրթաթոշակը նվազեցվող եկամուտ է հանդիսանում, եւ եկամտային հարկի պարտավորություն չի առաջանում:

**ԼՈՒՐ ԿԱԴՐ**

Լուսանկարը՝ «Ժողովուրդ» օրաթերթի



«Ժողովուրդ» օրաթերթի տեսախցիկը ֆիքսել էր, թե ինչպես է ԿԳՄՍ փոխնախարար Դանիել Դանիելյանը, պատուհանից գաղտնի նկարահանում է ԱԳՆ եւ ԿԳՄՍ շենքի մոտ հավաքված ցուցարարներին:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
 Բաժանորդագրվելու  
 համար կարող եք դիմել

«Հայմամուկ» ՓԲԸ  
 հեռ. 45-82-00, 45-19-11

«Հայփոստ» ՊՓԲԸ  
 հեռ. 51-45-46, 51-45-47

«Բլից-Մեդիա» ՍՊԸ  
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:


**ԱՌԱՋԱՐԿ**  
**հայկական տպագիր մամուլից**  
 «Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
 0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	+ 2 + 6 + 14 + 18	Արարատ	+ 9 + 12 + 22 + 24
Կոտայքի լեռներ	+ 2 + 6 + 13 + 16	Արմավիր	+ 8 + 11 + 22 + 24
Կոտայքի նախալեռներ	+ 8 + 11 + 19 + 21	Վայոց ձորի լեռներ	+ 2 + 5 + 13 + 15
Գեղարքունիք	+ 2 + 5 + 13 + 17	Վայոց ձորի նախալեռներ	+ 9 + 11 + 22 + 24
Լոռի	+ 3 + 5 + 13 + 16	Սյունիքի հովիտներ	+ 8 + 12 + 18 + 21
Տավուշ	+ 7 + 10 + 17 + 19	Սյունիքի նախալեռներ	+ 4 + 8 + 14 + 17
Արագածոտնի լեռներ	+ 2 + 4 + 12 + 14	ԼՂՀ	+ 5 + 9 + 14 + 16
Արագածոտնի նախալեռներ	+ 7 + 11 + 19 + 23	Երեւան	+ 16 + 18 + 21 + 23

Լրատվական գործունեություն իրականացնող՝  
 «Ժողովուրդ թերթի խմբագրություն» ՍՊԸ  
 Հասցեն՝ ք. Երեւան, Աբովյան 22<sup>ա</sup>/3, հեռ.՝ 010 54-64-23  
 Պետական գրանցման վկայականի համարը՝ 03Ա089086  
 տրված է 24.11.2010  
 Ստորագրված է տպագրության 31.5.2024

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
 Խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: